


樂府補題





樂 府 補 題

撰 人 不 詳

叢書集成初編

(補印本)

樂府補題

一九三七年五月初版
一九五九年十月補印

商務印書館出版

上海大眾文化印刷廠印刷

樂府補題

天香

宛委山房擬賦龍涎香

玉筍王 沂孫 聖與

孤嶠蟠烟。層濤蛻月。驪宮夜探一作鉛水。汎逝一作槎風。夢深薇露。化

作斷魂心字。紅蕤候火。還乍識。冰環玉指。一縷縈簾翠影。依稀海山

雲氣。幾回殢嬌半醉。翦春燈、夜寒花碎。更好故溪飛雪。小窗深閉。

荀令如今頓老。總忘却、尊前舊風味。謾惜餘薰。空篝素被。

蘋洲周 密 公謹

碧腦浮冰。紅薇染露。驪宮玉唾誰擣。麝月雙心。鳳雲百和。寶玦珮環
爭巧。濃薰淺炷。疑醉度、千花春曉。金餅著衣餘潤。銀葉透簾微裊。

瑤翠唐 藝孫 英發

螺甲磨星。犀株杵月。蕤英嫩壓拖水。海蜃樓高。仙娥鈿小。縹緲結成
心字。麝煤候暖。載一朶、輕雲不起。銀葉初長。薄暈金猊。旋翻纖指。
芳杯惱人漸醉。碾微馨、鳳團閒試。滿架舞紅都換。懶收珠珮。幾片菱
花鏡裏。更摘索、雙鬟伴秋睡。早是新涼。重薰翠被。

紫雲呂 同老 和甫

冰片鎔肌。水沉換骨。蜿蜒夢斷瑤一作島。翦碎腥雲。杵勻枯沫。妙手
製成翻巧。金篝候火。無似有、微薰初好。簾影垂風不動。屏深護春宜
小。殘梅舞紅褪了。珮珠寒、滿懷清峭。幾度酒餘重省。舊愁多少。荀
令風流未減。怎奈向、飄零賦情老。待寄相思。仙山路杳。

質房李 彭老 商隱

搗麝成塵。薰薇注露。風酣百和花氣。品重雲形。一作頭葉翻蕉樣。共說

內家新製波浮海沫。誰喚覺、鮫人春睡。清潤俱饒。片腦芬馥。一作半
是沉水。相逢酒邊雨外。火初溫、翠爐烟細。不似寶珠金縷。領巾紅
墜。荀令如今憔悴。消未盡、當時愛香意。燼煖燈寒。秋聲素被。

五松李 居仁 師呂

瀛嶠浮烟。滄波挂月。潛虬睡起清曉。萬里槎程。一番花信。付與露薇
冰腦。纖雲漸暖。凝翠席、氤氳不了。銀葉重調火活。珠簾日垂風悄。
螺屏酒醒夢好。繡羅幃、依舊痕少。幾度試拈心字。暗驚芳抱。隱約仙
舟。一作洲路杳。謾珮影玲瓏護。嬌小素手金篝。春情未老。

水龍吟

浮翠山房擬賦白蓮

蘋洲周 密 公謹

素鸞飛下青冥。舞衣半惹涼雲碎。藍田種玉。綠房迎曉。一奩秋意。擎

露盤深憶君清夜。暗傾鉛水。想鴛鴦正結。梨雲好夢。西風冷。還驚起。
應是飛瓊仙會。倚涼颿。碧簪斜墜。輕妝鬪日。一作白明璫照影。紅衣
羞避。霽月三更。粉雲千點。靜香十里。聽湘絃奏徹。冰綃偷翦。聚相思
淚。

天柱王 易簡 理得

翠裳微護冰肌。夜深暗泣。瑤臺露。芳容淡泞。風神蕭散。淩波晚步。西
子殘妝。環兒初起。未須勻注。看明璫素襪。相逢憔悴。當應被。西一作薰
風誤。十里雲愁雪妒。抱淒涼。盼嬌無語。當時姊妹。朱顏褪酒。紅衣
按舞。別浦重尋。舊盟唯有。一行鷗鷺。伴玉顏月曉。盈盈冷豔。洗人間
暑。

宛委陳 恕可 行之

素姬初宴瑤池。珮環誤落雲深處。分香華井。洗妝湘渚。天姿淡泞。碧

蓋吹涼。玉冠迎曉。盈盈笑語。記當時乍識。江明夜靜。一作淨只愁被嬋娟誤。幾點沙邊飛鷺。舊盟寒。遠迷烟雨。相思未盡。纖羅曳水。清鉛泣露。玉鏡臺空。銀瓶綆絕。斷魂何許。待今宵試探。一作探中流一葉。共凌波去。

菊山唐 珏 玉潛

淡妝人更嬋娟。曉奩淨洗鉛華膩。泠泠月色。蕭蕭風度。嬌紅斂避。太液池空。霓裳舞倦。不堪重記。歎冰魂猶在。翠輿難駐。玉簪爲誰輕墜。別有凌空一葉。泛清寒。素波千里。珠房淚溼。明璫恨遠。舊遊夢裏。羽扇生秋。瑤樓不夜。尙遺仙意。奈香雲易散。綃衣半脫。露涼如水。

紫雲呂 同老 和甫

素肌不汗天眞。曉來玉立瑤池裏。亭亭翠蓋。盈盈素靨。時妝淨洗。太液波翻。霓裳舞罷。斷魂流水。甚依然舊日。濃香淡粉。花不似。人憔悴。

欲喚凌波仙子△。泛扁舟、浩波千里△。只愁回首。冰簾一作半掩。明璫
亂墜。月影淒迷。露華零落。小闌誰倚△。共芳盟。猶有雙棲雪鷺。夜寒驚
起。

月洲趙 汝鈞 眞卿

露華洗盡凡妝。玉妃來侍瑤池宴△。風裳水佩。冰肌雪豔。清涼不汗。解
語情多。凌波步穩。酒容易一作消。散△。想溫泉浴罷。天然眞態。渾疑是。宮
妝淺△。暗想一作憶。淒愁別岸△。粉痕消。香腮凝汗。雪空冰冷。此情唯許。
鷺知鷗見。羽扇微搖。翠帷低擁。清涼庭院。待夜深。月上闌干。更邀取。
姮娥伴△。

玉笥王 沂孫 聖與

淡妝不掃蛾眉。爲誰貯立羞明鏡△。眞妃解語。西施淨洗。娉婷顧影薄。
露初勻。纖塵不染。移根玉井△。想飄然一葉。颼颼短髮。中流臥。浮烟艇△。

可惜瑤臺路迥△抱淒涼△月中誰一作難認△相逢還是冰壺浴罷牙牀

酒醒△步機空留羽衣微褪△粉殘香冷△望海山依約△時時夢想△素波千

頃△

五松李 居仁 師呂

藥仙羣擁宸遊△素肌似怯波心冷△霜裳縞夜△冰壺凝露△紅塵洗盡△弄
玉輕盈△飛瓊綽約△淡妝臨鏡△更多情一片△碧雲不掩△籠嬌面△回清影△
菱唱數聲乍聽△載名娃△藕絲縈艇△雪鷗沙鷺△夜來同夢△曉風吹醒△
酒暈全銷△粉痕微漬△色明香瑩△問此花盍貯瑤池△應未許繁紅並△

玉田張 炎 叔夏

仙人掌上芙蓉△娟娟猶溼一作露金盤露△淡妝照水△纖裳立玉△無言

一作飄似似一作自舞△幾度銷凝△滿湖烟月△一汀鷗鷺△記小舟清夜△一作夜波

明香遠△渾不見△花開處△應是浣紗人妒△褪紅衣△被誰輕誤△閒情淡

雅。冶容清潤。憑嬌待語。隔浦相逢。偶然傾蓋。似傳心素。怕湘皋珮解。

綠雲十里。捲西風去。

別本後闕云。應是院紗人妒。褪紅衣。被誰輕慢。六郎意態。何郎標格。冷然意趣。待折瓊芳。楚江難涉。謾搖心素。怕細

娥佩解。綠雲十里。捲西風去。

玉筍王 沂孫 聖與

翠雲遙擁環妃。夜深按徹霓裳舞。鉛華淨洗。娟娟出浴。盈盈解語。太液荒寒。海山依約。斷魂何許。甚人間別有。冰肌雪豔。嬌無那。頻相顧。三十大陂烟雨。甚淒涼。向誰一作有誰。作誰向。堪訴。如今謾說。仙姿自潔。芳心更苦。羅襪初停。玉璫還解。早凌波去。試乘風。一葉重來。月底與脩花譜。

摸魚兒

紫雲山房擬賦尊

天柱王 易簡 理得

怪鮫宮。水晶簾捲。冰痕初斷。香縷澄波。蕩槩人初到。三十六陂烟雨。
春又去。伴點點荷錢。隱約吳中路。相思日暮。恨洛浦娉婷。芳鈿翠翦。
奩影照淒楚。功名夢。消得西風一度。高人在何許。鱸香菰冷。斜
陽裏。多少天涯意緒。誰記取。但枯豉紅鹽。溜玉凝秋筍。尊前起舞。算
唯有淵明。黃花歲晚。此興共千古。

佚名

過湘皋。碧龍驚起。冰涎猶護鬢影。春洲未有菱歌伴。獨占暮烟千頃。
呼短艇。試翦取。纖條玉溜青絲瑩。尊前細認。似水面新荷。波心半掩。
點點翠鈿淨。淒涼味。酪乳那堪比並。吳鹽一筍秋冷。當時不爲鱸
魚去。聊爾動。勤一作渠歸興。還記省。是幾度西風。幾度吹愁醒。鷗昏鷺
暝。謾換得霜痕。蕭蕭兩鬢。羞與共秋鏡。

菊山唐 珏 玉潛

漸滄浪、凍痕銷盡。瓊絲初漾明鏡。鮫人夜翦龍髯滑。織就水晶簾冷。
鳧葉淨。最好似、嫩荷半捲浮晴影。玉流翠凝。早枯豉融香。紅鹽和雪。
醉齒嚼清瑩。功名夢。曾被秋風喚醒。故人應動高興。悠然世味渾
如水。千里舊懷誰省。空對景。奈回首、姑蘇臺畔愁波暝。烟寒夜靜。但
只有芳洲蘋花共。一作與老。何日泛歸艇。

玉筍王 沂孫 聖與

玉簾寒。翠絲微斷。浮空清影零碎。碧芽也抱春洲怨。雙捲小絨芳字。
還又似、繫羅帶。相思幾點青鈿綴。吳中舊事。悵酪乳爭奇。鱸魚謾好。
誰與共秋醉。江湖興。昨夜西風又起。年年輕誤歸計。如今不怕歸
無準。却怕故人千里。何況是、正落日垂虹。怎賦登臨意。滄浪夢裏縱
一舸重遊。孤懷暗老。餘恨渺烟水。

箕房李 彭老 商隱

過垂虹。四橋飛雨。沙痕初漲春水。腥波十里吳歛遠。綠蔓半縈船尾。
連復碎。愛滑卷青綃。香裊冰絲細。山人雋味。笑杜老無情。香羹碧澗。
空祇賦芹美。歸期早。誰似季鷹高致。鱸魚相伴菰米。紅塵如海邱
園夢。一葉又秋風起。湘湖外。看采擷芳條。際曉隨魚市。舊遊謾記。但
望裏江南。秦鬢賀鏡。渺渺隔烟翠。

齊天樂

餘閒書院擬賦蟬

紫雲呂 同老 和甫

綠陰初蔽林塘路。淒淒乍流清韻。倦咽高槐。驚嘶別柳。還憶當時曾
聽。西窗夢醒。歎絃絕重調。珥空難整。綽約冰綃。夜深誰念露華冷。
不知身世易老。一聲聲斷續。頻報秋信。墜葉山明。疎枝月小。惆悵齊
姬薄倖。餘音未盡。早枯翼飛仙。暗嗟殘景。見洗冰奩。怕翻雙翠鬢。

天柱王 易簡 理得

翠

碧一作

雲深鎖齊姬恨。纖柯暗翻冰羽。錦瑟重調。綰衣乍著。聊飲人

間風露相逢甚處。記槐影初涼。柳陰新雨。聽盡殘聲。爲誰驚起。又飛

去。商量秋信最早。晚來吟未徹。却都一作是淒楚。斷韻還連。餘悲似

咽。欲和愁邊佳句。幽期誰語。怕寒葉凋零。蛻痕塵土。古木斜暉。向人

懷抱苦。

玉筍王 沂孫 聖與

綠陰千樹西窗曉。厭厭晝眠驚起。嫩翼風微。流聲露悄。半翦冰箋誰

寄。淒涼勸耳。謾重拂琴絲。怕尋冠珥。夢短宮深。向人猶與訴憔悴。

殘虹收盡過雨。晚來頻斷續。都是秋意。病葉難留。纖柯易老。空憶斜

陽身世。山明月碎。甚已絕餘音。尙餘遺一作枯蛻。鬢影參差。斷魂青鏡

裏。

蘋洲周 密 公謹

槐陰忽送清冷一作怨。依稀乍聞還歇。故苑愁長一作危枝。調苦前

夢蛻痕枯葉。傷情念別。是幾度斜陽。幾回殘月。轉眼西風。一襟幽恨

向誰說。輕鬟猶記動影。翠奩應怪我。雙鬢如雪。枝冷頻移。葉疎猶

抱。空負好秋時節。淒淒切切。漸迤邐。黃昏砌。葢相接。露洗餘悲。暮寒

聲更咽。

宛委陳 恕可 行之

碧柯搖曳聲何許。陰陰晚涼庭院。露溼身輕。風生翅薄。昨夜綃衣初

翦。琴絲宛轉。弄幾曲新聲。幾番悽惋。過雨高槐。爲渠一洗故宮怨。

清虛襟度。漫與向人低訴處。幽思無限。敗葉枯形。殘陽絕響。消得西

風腸斷。塵情已勸。任翻鬢雲寒。綴貂金淺。蛻羽難留。頓覺一作驚仙夢

遠。

菊山唐 珏 玉潛

蠟一作蛻痕初染仙莖露。新聲又移涼影。珮玉流空。綃衣翦霧。幾度槐
昏柳暝。幽窗睡醒。奈欲斷還連。不堪重聽。怨結齊姬。故宮烟樹翠陰
冷。當時舊情在否。晚妝清鏡裏。猶記嬌鬢亂咽。頻驚餘悲漸杳。搖
曳風枝未定。秋期話盡。又抱葉淒淒。暮寒山靜。付與孤蛩。苦吟清夜
永。

瑤翠唐 藝孫 英發

柳風微扇閒池閣。深林翠陰人靜。漸理琴絲。誰調金奏。淒咽流空清
韻。虹明雨潤。正乍集庭柯。凭闌新聽。午夢驚回。有人嬌困酒初醒。
西軒晚涼又嫩。向枝頭占得。銀露千頃。蛻翦花輕。羽一作翼翻紙薄。老
去易驚秋信。殘聲送暝。恨秦樹斜陽。暗催光景。淡月疎桐。半窗留鬢
影。

宛委陳 怨可 行之

蛻仙飛珮流空遠。珊珊數聲林杪。薄暑眠輕。濃陰聽久。勾引淒涼多
少。長吟未了。想猶怯高寒。又移深窈。與整綰衣。滿身風露。正清曉。
微薰庭院晝永。那回曾記得。如訴幽抱。斷響難尋。餘悲獨省。葉底還
驚秋早。齊宮路杳。歎往事一作事。魂銷。夜闌人悄。謾省輕盈。粉奩雙鬢
好。

山邨仇 遠 仁近

夕陽門巷荒城曲。清音早鳴秋樹。薄翦綰衣。涼生鬢影。獨飲天邊風
露。朝朝暮暮。奈一度淒吟。一番淒楚。尚有殘聲。驀然飛過別枝去。

齊宮往事謾省。行人猶與說。當時齊女。雨歇空山。月籠古樹。一作髮

髯舊曾聽處。離情正苦。甚癩拂冰絃。倦拈琴譜。滿地紅霜。一作霜淺莎

尋蛻羽。

玉筍王 沂孫 聖與

一襟遺恨宮魂斷。年年翠陰庭宇。

一作

乍咽涼柯。還移暗葉。重把離

愁低訴。西園過雨。漸金錯鳴刀。玉箏調柱。鏡掩殘妝。爲誰嬌鬢尙如
許。銅仙鉛淚似洗。歎攜盤去遠。難貯零露。病翼驚秋。枯形閱世。消
得斜陽幾度。餘音更苦。甚獨抱清高。頓成淒楚。謾想薰風。柳絲千萬
縷。

挂枝香

天柱山房擬賦

宛委陳 恕可 行之

西風故國。記乍免內黃。歸夢溪曲。還是秦星夜映。楚霜秋足。無腸枉
抱東流恨。任年年、褪匡微綠。草汀篝火。蘆洲緯箔。早寒漁屋。敘舊
別。芳箋薦玉。正香擘新橙。清泛佳菊。依約行沙亂雪。誤驚窗竹。江湖

歲晚相思遠。對寒一作青燈。謾懷幽獨。嫩湯浮眼。枯形蛻殼。斷魂重續。

瑤翠唐 藝孫 英發

收帆渡口。認遠岸夜篝。松炬如晝。還見沙痕雪漲。一作際水紋霜後。秦

宮夢到無腸斷。望明河。月斜一作殘。疎柳瑣窗相對。茶邊猶記。眼波頻

溜。漸嫩菊初篳綠酒。歎風味尊前。瀟灑如舊。幾度金橙香霧。玉盤

纖手。清愁小醉淒涼裏。拚今生。容易消瘦。草心春淺。年年相憶。看燈

時候。

菊山唐 珏 玉潛

松江舍北。正水落晚汀。霜老枯荻。還見青匡似繡。紺螯如戟。西風有
恨無腸斷。恨東流。幾番潮汐。夜燈爭聚。微光挂影。誤投簾隙。更喜
薦新篳玉液。政半殼含黃。一醉秋色。纖手香橙風味。有人想憶。江湖
歲晚聽飛雪。但沙痕空記行跡。至今茶鼎。時時猶認。眼波愁碧。

紫雲呂 同老 和甫

松江岸側△正亂葉墜紅。殘浪收碧△猶記燈寒暗聚。斷疎輕入△休嫌郭
索尊前笑。且開顏。共傾芳液。翠棖絲霧。玉葱浣雪。嫩黃初擘△、自
·與 那日、新詩換得△又幾度相逢。落潮秋色△常是籬邊早菊。慰渠岑寂△
如今謾有江山興。更誰憐。草泥蹤跡△但將身世。浮沉醉鄉。舊遊休憶△

按此闕·詞綜作李彭老·

